



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 3. Didaci Torres ortus, educatio, Religionis tyrocinium, studia, & navigatio.

urn:nbn:de:hbz:466:1-38528

primarum litterarum, Didacus Torrez fundandæ, regendæque Quiteni Vice-provinciæ; & Didacus Alvarez de Paz ad Collegia Australia, Tucumanæ obverfa, cum Vice-provincialis titulo amendantur. Biennio in his rebus exacto, tandem Claudi Aquaviva literæ in Peruviam perforuntur, quibus significabat, eam demum mentem esse suam, ut ex Australioribus Americæ regionibus, nova ac independens Provincia erigeretur, eique gubernandæ, ac condendæ, Didacus Torrez sine ulla tergiversatione, ductis è Peruvia aliquot Sociis, præficeretur. Nam quamvis immensa illa terrarum vastitas magnis urbibus careret, iustorum Collegiorum capacibus; tamen sperabatur futurum, ut urbium patvitas, Apostolicis ad Barbaros expeditionibus, abundè compenfaret. Quod felix itaque, faustum, fortunatumque sit, anno millesimo sexcentesimo septimo, Paraquariam, Tucumaniam, & Chilense regnum, amplissimas ad Austrum regiones, utroque mati conclusas, octingentis & quinquaginta leucis in longum latitudine variâ protensa, tribus Prætoribus Regis administratas, sub nomine Provinciæ Paraquarie cō fine præcipue complexa Societas est, ut quidquid Barbarorum in antris, in nemoribus, in paludibus & alibi delitesceret, perscrutaretur, & ad humanitatem, Christique fidem, necnon ad Regis Catholicim imperium, traduceret: quod ut ordine fieret, Didacus Torrez, novus Provincialis, legitimis litteris instrutus, è Quiteni Provincia, quam pro Societate fundaverat, magnis itineribus Limam, Proregis sedem, terrâ, marique contendit. De quo, quoniam mihi toties dicendum occurret, liber aliqua præfari, ortumque illius, educationem, gesta, munera ante initam Provinciam, breviter & carptim explicare, ut ex laude tanti Capitis, subiecta membra claritudinem accipient.

DIDACUS Torrez patrem habuit Didacum Bolium, claræ originis, è montibus Burgenibus, à proavis ductæ; sed Beneventi in Castella veteri natum: cuius dores adeò in excello fuere, ut pro Comite-stabuli Castellæ Beneventum, patriam suam, &, interjecto tempore, Montis Regalis oppidum, integro semper tantorum principum favore, cum Praefecti titulo gubernarit. Mater ejus, spectata virtutis fêmea, insignis sub Carolo Quinto centurionis filia, postmariti & quaeruot prolium obitum, cum duabus filiabus superfluitibus, Sanctæ Theresiæ institutum arripuit; & claris virtutibus ornavit. Talibus progenitoribus Didacus noster, anno seculimelisimo quinquagesimo, Villalpandi ortus, ubi per annos licuit, primis litteris, in patriâ primum, tum Sakantiæ sub patrui Sacerdotis tutela, operam navavit. Ibi dum, ut decebat amplè domus unicum hæredem, omnibus disciplinis excolitur, ad hæreditatem filiorum Dei, minimo, quām posset, periculo ineundam, animum adjecit. Igitur iis, quæ primas apud pueros obtinent, contemptis, cepit Exhomologesim frequentare, sacræ Mensæ multoties assidere, latera nuda scotosis cingulis constringere, inediâ se macerare, flagellis in corpusculum sævire, & alia severioris vitæ imitamenta tantâ contentione peragere; ut immoderatione valitudinem profligasse creditus sit. Ejus pater, suspicatus, ea nimia, ut ipse aiebat, pietatis exercitia, è schola Sociorum Jesu, quos frequentabat, prodire, & quædam præludia esse religiose vita ineundæ, puerò hominum Societatis consuetum interdicit, & in non obtemperantem severè animadvertisit: adhuc perseverantem ad parentes, Palentiæ tum degentes, domesticis illecebris ab severioris vitæ consilio abstrahendum postlimiò remittit. Nec diu fuit cum se se obtulit occasio, cum in Vallisoletanam Regis Catholicæ aulam transferendi. Vallisoleti dum honorarius cliens in domo principis viri, magnam Recipublicæ partem administrantis, degit, ita herum corporis & animi dotibus sibi devinxit, ut facile favoris primas tulerit: adeò ut nobilis admodum matrimonii, & honestissimi officii spes ex propinquo ei ostentata sit. Quod utrumque indubie iniurisset, nisi Deus juvenem, sœcularibus curis jamjam irretiendum, hoc maximè modo abstraxisset. Herus ille, Regi quām Deo gravior, turpibus amoribus serviebat; nec erat, qui auderet potenteris viri impetum refrænare. Unus tamen, raro in principum donibus exemplo, Didacus noster, schedâ in manus datâ, officii Christiani hominem

Paraquaria
Provincia
initium.

1607.

Didacus
Torrez pri-
mus Para-
quaria Pro-
vincialis.

CAPUT
III.
Didaci Tor-
rez vite
primordia
& gesta in
Indiis.

Primum
Magistratus,

Parentes.

Educatio.

Hereticum
factum.

commonie facere ausus est, enixè rogans, ut æqui boni que consuleret juvenis Aulici audaciam, plus de ejus salute, quam de suis honestamentis solliciti. Enim verò Herus, lectâ schedâ, excandescere, prudens monitum acerbius, quām non convitia debuissit, accipere, juvenem temeritatis fugillare, de spe matrimonii & dignitatis ineundæ dejicere, domo denique privare. Ille injuriâ nihil motus, alterius héri, titulo & favore Regis Catholici etiam insignis, ex parentum voluntate, clientelæ se addixit. Unde non diu pōst, frequentibus Dei vocantis motibus, ad religiosum statum capessendum sollicitatus, aulae nuncium remisit, & de tantâ re deliberaturus ad Montis Regalis urbem, quam parens ejus gubernabat, se contulit. Sed fugiens Carybdim, incidit in Scyllam: nam universa civitas, in florentissimi juvenis, gubernatoris sui filii, amorem effusa, ultò oblatis deliciis ab pietate primùm abstraxit, mox illecebris adolescentum moribus immersit, non antè emerfurum, quām Deus morbo affligeret. Sed vix emersus, rursum licentia frēna laxavit; atqumque erat de illo, nisi periculosissimè incitatum febris prostravisset. Quo in morbo, renovatis veteribus votis, se totum vocanti Deo permisit. Reditus sanitati, restâ contendit ad Alfonsum Rodriguez, Montis-Regalis Collegii tum Rectorem, quo directore usus, diversa Religionum instituta inter se contulit, & cui uni præterit se consecraret, diu cum animo suo reputavit, donec in hanc sententiam veniret, ut existimat nullum Religiosum Ordinem Societati sibi præferendum esse. Ratio eligendi fuit, quod assereret, sub id tempus excellam omnino estimationem de Societatis Jesu Instituto cœlitū sibi immisam fuisse; affirmabarque postmodum in deponata astate, estimationem eam tantam fuisse, ut nec longo quinquaginta annorum usu, nec tractatione eximiatum planè Societatis personarum, nec officiorum gestorum multiplicitate, quidquam incrementi capere potuerit. Quarè facile juveni fuit, spretis frustrâ insidiantis pueræ illecebris, abruptisque dominantis domus, & popularium splendidis laqueis, ad præmonstratam nobilis Instituti metam toto deinceps impetu currere. Eo ergo die, quo, accepto ab coætaneis phalerato equo, ultrò ad ludos publicos invitabatur, Collegium nostrum petens, Provincialis pedibus advolvitur, vovetque se inde pedem non moturum, antequām Societati auctoraretur. Movit ea species Provinciale, concessitque, quasi coactus, quod summoperè avebat. Elucebat enim in juvene spes ornandæ Societatis, si solitis artibus excoletetur. In Societatem admissus, sub Alphonso Rodriguez Rectore, Divi Ignatii Exercitiis pro more excultus, grande de se specimen dedit, & adhuc longè majus, quando in ueste splendida & seculari Medina-Campi ad tyrocinium missus, Vallisoleti rugosum jumentum per frequentes plateas agere jussus, egit tanto sui contemptu, ut hilariorem vultum in hac vili exercitatione ostenderet, quām dum paulò antè, dominantis Principis favore elatus, Regiam urbem pomposè perambularet. Medina-Campi Societatis ueste donatus, Balthazari Alvarez excoledus traditus est: qui tyroni de perseverantia in Societate sollicito, & votum voventi, si ab Societate dimitteretur, se peditem, ad rursum eam imperrandam, Romanum iturum, manu applaudens, bono animo hominem esse jussit, aiens, prævidere se, ut multorum mortalium bono diutissimè, & ad usque mortem, in Societate viveret. Inter præcipua poliendi spiritus exercitia, sui contemptum in primis coluit, eoque, assidue considerationis vilitatis suæ, adductus est, ut præteriorum peccatorum nube perpetuò occurrente, non auderet, nec in Sanctorum, nec in Virginis Matris imagines oculos figere, donec confidentius cum Divis agere, & altiora meditari juberetur, ne præclara indoles nimium deprimetur. Ex illis tamen vilitatis suæ considerationibus ortum, ut à Majoribus postularet, in infimo Coadjutorum gradu, abscessâ spe Sacerdotii adipiscendi, stare. Qua spe dejectus, dignus Balthazare magistro discipulus, post expletum tyrocinium, Vallisoletum, studiis operam navaturus, amandatur. Inter studia perseveravit colere pietatem, ratus litteras sibi noxias fore, si non virtute animarentur. Currentem incitavit Franciscus Suarez, Theologiæ per quadriennium ejus magister, docens Societatis scholasticis nihil propriâ probitate antiquius; & infra propriam probitatem nihil

litterarum

Vocatio.

Tyrocinium.

studia.

litterarum studio, carius esse debere. Quamvis ergo facile concessero, Didacum nostrum nonnullos in litteris habuisse aequales, in ducenta tamen virtutum pompa inter coetancos coriphæus, Rectorum suorum, & Magistrorum judicio, habitus est: adeo ut utrumque favorem, & amorem, accedentibus presertim non vulgaris prudentia speciminibus, sit promeritus. Nec dubitavit aliquando Vallisoletani Collegii Rector, se absente, domus paenitentia regimen adhuc non Sacerdoti committere. Inde clarescere virti virtus, & post quadriennalem Theologiae cursum summis munieribus designari, nisi ipse designationem anteverisset, ambitu ad Orientalem Indiam missione. Quâ imperatâ, & mox magnorum virorum intercessionibus frustrata, alio desideriorum suorum vela convertit. Venerat ex Occidentalibus Indiis Balthazar Pinia, Peruviae procurator, apud quem antiqua vota secretò deponens, afferuit, se incredibili Indicorum laborum, & Barbarorum salutis desiderio flagrare; si missionem à Preposito Generali sibi impetraret, in ære ejus aeternum fore. Placuit Procuratori postulatio, qui facile Romæ negotium confecit. Sed vulgato in Hispania ambitu, adversarios habuit parentes, & Provinciae suæ Primores, privari se tali homine non facile laturos; nisi utrorumque artes constantia, & melioribus artibus, ipse elusisset. Quin, non contentus se Peruviae dedicare, effecit ut Joannes Atienfa, Vallisoletani Collegii Rector, pro Balthazare Alvarez in Peruviae Provincialem designato, & in Hispania retento, missionem Indican petret, & impetraret. Cum tali socio Gades profectus, ubi navigandi tempestivitas advenit, ceteris Sociis in Regium myoponem receptis, ipse cum altero Socio, admittente Architalasso, in rostratum concendit, statimque ordinavit tempora; ita ut sua essent Catechesi, Concioni, ægrorum consolationi, & piis colloquiis destinata intervalla. Sed non plures dies abiere, cum, retinente licet Architalasso, in aliam navem revocatur à Baltazare Pinia, rogatu Sociorum, qui malignâ aurâ afflati, morboque prostrati, unicum sibi solarium ab Didaco Torrez sperabant. Nec eos fecellit opinio; nam in omnium commoda incredibili caritate incubuit, donec ipse etiam prosterneretur, adeo pertinaci malo, ut vix latum unguem ab morte absuerit. Evasit tamen, & transmissio isthmo; alteram navim alio in mari concendens, felici cursu Limam, anno flesquimillesimo octogesimo, tenuit: grande erat Didaci nomen. Igitur Joannes Atienfa, Limani Collegii Rector designatus, eâ conditione Rectoratum initurum se sponpondit, si in Adjutorem & Collegii Ministru nominarent. Quo non ægrè impetrato, ejus ministerio eisque usus est, dum Provincialis, optimis votis obsecundans, Didacum ad curam Indorum, Julide degentium, amandaret.

JULIS Peruviae Oppidum est ad Titiacam lacum, quatuor Indorum Parochias. Societas Jesu subcensitas habens, ibi degunt una in domo Socii, Parochorum, corumque Adjutorum vicem gerentes, quorum unus praefit reliquis, Rectoris nomine; ita ut ab forma Collegii vix distinguas. Eam dominum incolebant tum temporis Alphonsus Barsena, Didacus Martines, Didacus Gonzales Holguinus, magna Apostolicorum virorum nomina, & alii præstantes operari: inter quos Didacus noster, quamvis Ministri officio fungeretur, Aimaram, & Quichoanam linguam celerrime didicit. Qua in exercitatione dum versatur, à Provinciali per litteras jussus est sedi præesse: sed antequam Magistratum iniret, aliquid accidit à nostris Majoribus maximè alienum: nam nescio quis de Societate, novo Rectori se opponens, palam astrarere ausus est, eum jure Rectoratum non capessitum, antequam Provincialis mentem suam clarius aperiret: videri enim, verbis ambiguis in demandato officio usum. Didacus importunâ intercessione nihil motus, ita se gessit, ut summam prudentia & modestia laudem meruerit; nam professus magni munieris loco privationem ab officio habiturum, relieto, qui, se absente, curam domus regeret, Vicario, & assumptis in socios Didaco Martines, & Gonzalvo Holguino, interim dum Provincialis absens consulitur, ad Aracaxensem, & Camatensem regiones, quâ Chuni Ethnici, feritate insignes,

Navigatio.

CAPUT
IV.
Gesta ejus
in Julidis
& Cusensi
Rectoratu.

prudens fa-
ctum.

concurrere